

NHWETI YIN'WE YO FAYILA MITLHERISO YA XIBALO

Tiawara to tirha ti engeteriwa ku fikela hi Mugqivela hi Nhlangua

PRETORIA, 01 Nhlangua 2018 – Vahakelaxibalo hi voxela va na 30 wa masiku lawa ya nga sala ku fayila mitlheriso ya vona hi voxela ya xibalo xa mali leyi ngenaka.

Nguva ya Xibalo yi pfala hi ti 31 Nhlangua eka vahakelaxibalo lava nga ri ki va nkarhinyana na vahakelaxibalo va nkarhinyana lava hlalulaka ku fayila erhavini. [Vahakelaxibalo va nkarhinyana](#) hi ntlovelo va na ku fikela ti 31 Sunguti 2019 ku fayila mitlheriso ya vona hi ku tirhisa eFiling ntsena.

Xikongomiso xa nguva leyi yo fayila ku vi le chanele ya eFiling leyi tirhaka tiawara ta 24 leyi vahakelaxibalo va nga yi tirhisaka enkarhini wa vona wo dzumba laha ku nga lavekiki leswaku va ya erhavini. Vatirhisi va eFile va seketeriwa hi tshalatshala ra Help-You-eFile enkarhini wa tiawara ta ntirho, leri va hlenganisaka na ejente ya contact centre ya SARS leyi nga ta pfuna muhakelaxibalo ku tata ntlheriso wa yena wa xibalo.

Eka nhweti yo hetelela ya nguva yo fayila, contact centre ya SARS yi ta tirha hi Mugqivela hi ti 06 ku fikela ti 27 Nhlangua ku sukela hi 8 nampundzu ku fikela 1 nanhlikani, ku seketela vahakelaxibalo hi eFiling.

Marhavi hinkwawo ya SARS ya ta pfula hi Mugqivela hi nkarhi wo fana laha vahakelaxibalo va nga ta tirhisa tindzhawu leti va nga kotaka ku tipfunaka hi voxela ku fayila mitlheriso ya vona hi voxela ya xibalo xa mali leyi ngenaka hi ndlela ya xitironiki.

Swi na nkoka ku tsundzuka leswaku tiawara leti engeteriweke hi Mugqivela ti ta tirhisiwa ntsena ku pfuna hi mitlheriso ya vanhu hi voxela ya xibalo xa mali leyi ngenaka.

Ku fikela sweswi, SARS yi le kusuhi no fikelela mpimo wa 3-milijoni eka mirhumelo ya mitlheriso ya xibalo eka lembe leri ra nhlalelo. Leswi swi fika kwalomuya ka engetelo wa 4% loko ku fananisiwa na nkarhi lowu fanaka lembe leri nga hundza. Eka mitlheriso leyi, 51% yi rhumeriwile hi ku tirhisa eFiling.

Mixupulo ya vufambisi yi tirhisiwile eka ku fayiliwa ka mitlheriso ya xibalo leyi hlweleke no sukela eka R200 ku fikela R5 000. Hi ku fambisana na Nawu wa Vufambisi bya Xibalo Nomboro 28 wa 2011 (TAA), na ngopfungopfu Xiyenge xa 234 (d), i nandzu wa vugevenga loko u nga rhumeli ntlheriso wa xibalo eka muxaka wun'wana na wun'wana wa xibalo lowu muhakelaxibalo a nga titsarisela wona.

SARS yi hungutile mitlheriso ya xibao leyi kayiveleke ku antswisa nandzeleriso wa xibalo, laha vahakelaxibalo va 18 va nga chuchisiwa lembe leri hi ku ka va nga fayili mitlheriso. Vahakelaxibalo lava, lava nga vuriwa exikarhi ka vanhu, va papalatile switsundzuxo swa SARS swa leswaku va fanele ku fayila mitlheriso, naswona sweswi va na rhekhodo ya vugevenga. Mindziho leyi sukelaka eka R2 000 ku fikela R20 000, ku katsa na mindziho yo amukela ku tivona nandzu yi nyikiwile hi tikhoto, loko van'wana va gweviwile.

Vahakelaxibalo va fanele va lemukisiwa hi vuxisi laha ku tshembhisiwaka vuyiselo wa mali kumbe laha muhakelaxibalo a tivisiwaka hi xikweleti lexi va kolotaka SARS. Vuxisi lebyi byi ta hi swivumbeko swo hambanahambana ku katsa mapapila, tiimeyili, tilinki ta webusayiti na ku katsa na vanhu lava tiendlaka vatirhi va SARS, valondzi va swikweleti kumbe valulamuseri va swa xibalo. Ku na swiyimo laha valulamiseri va swa xibalo va tshembhisaka vahakelaxibalo vuyiselo wa mali leswaku va kuma phesente yo karhi eka vuyiselo wa mali tanihi hakelo. Vumbabva mikarhi yo tala byi endliwa hi vito ra muhakelaxibalo hi ku koxa tihakelo ta vukanganyisi. Loko SARS yi nga koti ku vona vumbabva lebyi, muhakelaxibalo u ta va na vutihlamuleri byo hakela xikweleti hinkwaxo ku katsa na mixupulo.

Vahakelaxibalo va fanele va tiyisisa mbhurisano lowu xakelanaka na SARS hi ku tirhisa contact centre kumbe rhavi ra SARS. Nghingiriko wa xibalo lowu ehleketelerisaka wu nga mangariwa eka inthanete kumbe hi ku tirhisa nomboro ya SARS yo mangala nghingiriko wa xibalo lowu ehleketelerisaka.

Vahakelaxibalo va tsundzuxiwa leswaku nguva ya xibalo yi mayelana no ringanisa misuso ya xibalo ku sukela eka lembe leri nga hundza no hlelela loko ku ve ntsengo wa xibalo lowu lulameke wu susiwile. Nhlelelo lowu wu nga fikelerisa eka vuyiselo wa mali eka muhakelaxibalo kumbe hakelo eka SARS laha muhakelaxibalo a kolotaka xibalo eka SARS. Hi tlhelo rin'wana, wu nga fikelerisa eka ntlheriso wa ziro, laha muhakelaxibalo a nga kolotiki SARS naswona a nga kumi vuyiselo wa mali.

Voxokoxoko bya nkoka byo tihlanganisa:

- SARS Contact Centre: 0800 00 7277
- Nomboro ya nghingiriko wa xibalo lowu ehleketelerisaka na vukungundwana: 0800 00 2870
- [Fomo ya le ka inthanete yo mangala leswi ehleketelerisaka](#)